

2012-mi Kalaallit Nunaata nukimmik atuinera

2012-mi nukimmik ataavartumik pilersulerneq annertuseriapiloorpoq. Nukimmik atuineq 17,4 pct.-mik annikilleriarpoq oliesiorluni qillerisoqanngimmat. Ernulli nukinga atorlugu nukissiorneq nunap nukissiorfiini tamarmiusuni annertusivoq. Tamassuma kinguneranik nammineq pilersorsinnaaneq aatsaat taamak qaffasitsigaaq.

Tamanna ”2012-mi Kalaallit Nunaata nukimmik atuinera”, pillugu saqqummersitami takuneqarsinnaavoq Kalaallit Nunaanni Naatsorsueqqissaartarfiup tamanut saqqummiuteqqammisaani. Saqqummersitaq atuarneqarsinnaavoq imaluunniit pdf-filitut aaneqarsinnaavoq Naatsorsueqqissaartarfiup nittartagaa www.stat.gl iserfigalugu.

Nukimmik atuineq annikillivoq

2012-mi nunami tamarmi nukimmik atuineq 9.114 TJ-iusoq naatsorsorneqarpoq. Tamanna 2011-mut naleqqiullugu 17,4 pct.-mik annikilleriarfiuvoq. Nukimmik atuinerup minnerulerneranut peqqutaasoq annerusoq ataasiuvoq tassa kitaani oliesiorluni qillerinerup uninnganera.

Nukik ataavartoq suli annertunermik nunallu iluanit ikummatissat atorlugit nukissiorneq annikitsoq


2012-mi ernup nukinga atorlugu nukissiorneq nukissiorfinni tamarmiusuni annertusineqarpoq. Tamassuma saniatigut nunami ernup nukinga atorlugu nukissiorfiit tallimassa at ilulissani atorneqalerpoq. Nukik ataavartoq atorlugu nukissiorneq 2012-mi 7,3 pct.-mik annertuseriarpoq. Tamanna ilutigalugu nunap iluanit ikummatissat atorlugit nukissiorneq 2011-mi atuinermut naleqqiullugu 20,5 pct.-mik annikillivoq.

Gassimik silaannarsuatta silaannaanik kissattoortitsilersussamik aniatitsineq annikillivoq

Nukik ataavartoq atorlugu nukissiorneq CO₂-qartitsinngitsoq olie atorlugu nukissiorneq CO₂-mik silaannarsuatta silaannaanik kissattoortitsilersussamik pilersitsivoq. 2012-mi eneriartornerup pitsaasup kinguneraa nukimmik atuinikkut CO₂-mik silaannarsuarmut aniatitsineq 577.120 tonsinut apparnera. 1990-mi aniatitsinermit 8,3 pct.-mik annikinneruvoq 2011-imiillu 20,3 pct.-mik annikinnerulluni. Ukiuni 1990-miit 2012-mut nukimmik atuinikkut CO₂-mik aniatitsineq titartakkami 1-mi takutinneqarpoq.

Titartagaq

Nukimmik atuinikkut gassimik silaannarsuatta silaannaanik kissattoortitsilersussamik aniatitsineq



Kalaallit Nunaat nunallu assigiinngitsut akornanni Kyotoprotokolle isumaqatigiissutaavoq. Tassani isumaqatigiissutigineqarpoq gassamik silaannarsuatta silaannaanik kissattoortitsilersussamik annikilliliinissap anguniarnissaa. Danmarkip Kalaallit Nunaatalu Kyotoprotokolle malillugu isumaqatigiissutaanik piviusunngortitsinissaq ukiuni 2008-miit 2012-mut pisussavoq. Kalaallit Nunaata ataatsimut gassimik silaannarsuatta silaannaanik kissattoortitsilersussamik aniatitsineranit 94 pct-tit missaat nukimmik atuinermit pisarput. Kalaallit Nunaata 2008-miit 2012-mut silaannarmik kissattoortitsilersussamik aniatitsinerata inaarutaasumik naatsorsornera tamanut saqqummiunneqassaaq Naatsorsueqqissaartarfiup nittartagaatigut ukiup 2014-p upernaavani.

Kisitsisaataasivik

Kisitsisaataasivimmi nukimmik atuineq pillugu kisitsisit atorlugit nassuiaasiat tabelii pimoorullugit suliat aaneqarsinnaapput bank.stat.gl iserfigalugu, taamaalillutit tabeliassatit anguniakkat malillugu inaarsarsinnaassagakkit.

Annertunerusumik paasisaqarnissat kissaatigigukku siunnersorti Lene Baunbæk saaffigisinnaavat email-mut uunga leba@stat.gl.

Inussiarnersumik inuulluaqqusillunga

Lene Baunbæk
Siunnersorti

Saaffiginiffissaq
Lene Baunbæk
E-mail: leba@stat.gl

Naatsorsueqqissaartarfik
Postboks 1025 · 3900 Nuuk
Tlf.: 34 57 70 · Fax: 34 57 90
www.stat.gl · e-mail: stat@stat.gl

